



BÜGINGI SANDA

BÁRI DE ÓZIMIZDEN  
BASTALADY

2»

QALDYQTY QAITA ÓNDEY  
QALAI JÚZEGE ASÝDA?

4»

JORǴA - JÚIRIK

5»

«ÚI SATYLADY»  
ESEPSIZ NESIE TALAIDY  
TYǴYRYQQA TIREP OTYR

8»

## PREZIDENT

# ТӨРАҒАЛЫҚҚА ЖОҒАРЫ БАҒА БЕРІЛДІ

Бейсенбіде Астанадағы Тәуелсіздік сарайында Мемлекет басшысы Нұрсұлтан Назарбаевтың қатысуымен Ұжымдық қауіпсіздік шарты ұйымы Ұжымдық қауіпсіздік кеңесінің сессиясы өтті.

Жиынға Беларусь Республикасының Президенті А.Лукашенко, Қырғыз Республикасының Президенті С.Жээнбеков, Ресей Федерациясының Президенті В.Путин, Тәжікстан Республикасының Президенті Э.Рахмон, Армения Республикасының Премьер-Министрінің міндетін атқарушы Н.Пашинян және осы ұйымның Бас хатшысы міндетін атқарушы В.Семериков қатысты.

Кеңес мүшелері алдымен шағын құрамда халықаралық және өңірлік қауіпсіздік проблемаларын, Ұжымдық қауіпсіздік шарт ұйымына мүше мемлекеттердің осы ұйым аясындағы және халықаралық аренадағы ықпалдастық мәселелерін талқылады.

Мемлекет басшысы Н.Назарбаев кеңейтілген құрамда өткен жиын барысында Қазақстанның Ұжымдық қауіпсіздік шарт ұйымына төрағалығы кезінде қол жеткізілген нәтижелер жөнінде айтты.

– Қазақстан Ұжымдық қауіпсіздік шарт ұйымын беделді әрі тиімді құрылым деп санайды. Оған мүше елдердің белсенді әрі жан-жақты қолдау көрсетуінің арқасында бұл Қазақстанның төрағалық етуі барысындағы ба-сымдықты табысты іске асты,



– деді Қазақстан Президенті.

Нұрсұлтан Назарбаев жоспарға сәйкес әскери салада Ұжымдық қауіпсіздік шарт ұйымының біріккен штабын құру және Ұжымдық қауіпсіздік шарт ұйымының Дағдарыс кезінде әрекет ету орталығының қызметіне толық кірісу үшін әзірлік жұмыстарының аяқталғанын атап өтті.

Мемлекет басшысы Қырғызстан аумағында өткен «Жауынгерлер бауырластығы – 2018» әскери оқу-жаттығуының нәтижелері жөнінде және еліміздің төрағалығы кезінде терроризммен ада әлемге қол жеткізу жолын көрсететін әмбебап кодекс

қабылдау туралы бастамамыздың жүзеге асырылғанын айтты. Бұл құжатты 70-тен астам мемлекет мақұлдаған.

Соңында Нұрсұлтан Назарбаев Ұжымдық қауіпсіздік шарт ұйымы серіктесінің және ұйым бақылаушысының мәртебесін заңды түрде бекіту жөнінде шешім қабылданғанын мәлімдеді.

\*\*\*  
Қазақстан Президенті Ұжымдық қауіпсіздік шарт ұйымы Ұжымдық қауіпсіздік кеңесі сессиясының қорытындысы бойынша баспасөз мәслихатын өткізді.

– Біз мемлекеттеріміздің қауіпсіздікті нығайту жолындағы өзара іс-қимылының барлық дерлік мәселелерін қарастырдық. Ұжымдық қауіпсіздік шарт ұйымын дамытудың негізгі бағыттары, сондай-ақ халықаралық және өңірлік саясаттың өзекті проблемалары жөнінде сындарлы пікір алмастық. Қазақстанның Ұжымдық қауіпсіздік шарт ұйымына төрағалық етуіне орай басымдықтардың қалай іске асқанын қорытындыладық, – деді Елбасы.

Нұрсұлтан Назарбаев Ұжымдық қауіпсіздік шарт ұйымына мүше мемлекеттер тарапынан Қазақстанның осы халықаралық

ұйымға төрағалық етуі кезінде атқарған жұмыстарына жоғары баға берілгенін атап өтті.

Сондай-ақ, Қазақстан Президенті бүгінгі сессия қорытындысы бойынша Заңсыз миграцияға қарсы тұру жүйесін дамыту жөніндегі іс-қимыл жоспары және Ұжымдық қауіпсіздік шарт ұйымына мүше елдердің мүддесі үшін үйлестірілген ақпараттық саясатты дамыту жөніндегі іс-шаралар жоспары бекітілгенін айтты.

Нұрсұлтан Назарбаев сөзінің соңында БАҚ өкілдеріне келесі сессияаралық кезеңде Ұжымдық қауіпсіздік шарт ұйымына Қырғыз Республикасының төраға болатынын мәлімдеді.

## KOMMÚNALDYQ QYZMET

# «АҚЫЛДЫ ҚОНДЫРҒЫЛАР» ТӨЛЕМДІ АРЗАНДАТАДЫ

«Ақылды қала» тұжырымдамасының бір тармағы – тұрғын үй-коммуналдық шаруашылығын дамыту. Мемлекет басшысы Нұрсұлтан Назарбаев халыққа Жолдауында коммуналдық қызмет пен табиғи монополияларды реттеу саласында тарифтің жасалуы мен тұтынушылардан жиналған қаржының жұмсалуды ашық еместігін атап өткен еді.

Шынар БЕКБАН

Бүгінде Қызылордада электр және ауыз сумен жабдықтаушы коммуналдық кәсіпорындарда «Смарт сити» үлгісінде жұмыс жасау, энергоөнемдеуіш қондырғылар, қашықтықтан басқарылатын есептеуіш құралдарын орнату, бір орталықтан басқару жүйесін енгізу жұмыстары қолға алынды.

Жолдауда жүктелген міндеттерді жүзеге асыру үшін Инвестициялар және даму министрлігі «Тұрғын үй-коммуналдық шаруашылықты цифрландыру: ашықтық және сапа» тақырыбында кешенді жоспар құрып, жауапты мамандарға жүктелді. Осы мақсатта аталған министрліктің құрылыс және тұрғын үй-коммуналдық шаруашылық істері комитетінің төрағасы Мархабат Жайымбетов облысқа жұмыс сапарымен келіп, атқарылып жатқан жұмыстармен танысып, бірқатар нысандарды аралап көрді.

айтты. Жана өнім – «Ақылды тұрғын үй-коммуналдық шаруашылығы» жобасының қызметі таныстырылды. Оның аясында пәтерлерге күн сайау, энергоөнемдеуіш қондырғылар, қашықтықтан басқарылатын есептеуіш құралдарын орнату, бір орталықтан басқару жүйесін енгізу жұмыстары қолға алынды.

– «Смарт сити» жобасымен қаладағы Есімхан көшесіндегі 6 тұрғын үйдің өңірлеріне пилоттық жобала «LoRaWAN» технологиясының базалық станция мен модем су, жылу және



Алдымен «Қызылорда электр торпаңтары компаниясы» АҚ ғимаратында тұрғын үй-коммуналдық шаруашылығындағы цифрландырумен танысты. Бүгінде Қызылордада «109 қызмет», «Бірыңғай төлем орталығы», «Қауіпсіз үй» жобалары бар. Тұрғын үй-коммуналдық саласы дамып келеді. Комитет төрағасы бұл бағытта түрлі жоба-жоспарлар жасалатынын

жарық құрылғыларына орнатты. Жалпыұйлік есептеуіш құралдары орнатылған жағдайда тұрғындар 36 процентке аз ақы төлейді. Коммуналдық шығындарды жоғары деңгейдегі «ақылды құралдармен» есептеу тиімді, – деді «Қызылорда-транстелеком» АҚ филиалының менеджері Алмасбек Арманов.

# ҚАЗАҚСТАН - РЕСЕЙ: ҚАРЫМ-ҚАТЫНАС ҚАРҚЫНДЫ ДАМИДЫ

Қазақстан Президенті Петропавл қаласына келген соң, темір жол автоматикасы, телемеханика, байланыс, қауіпсіздік жүйесі құрылғыларын және мұнай-газ кешені кәсіпорындарына арналған құрал-жабдықтар шығаруға маманданған зауытты аралап көрді, деп хабарлайды Ақорданың баспасөз қызметі.

Мемлекет басшысы Солтүстік Қазақстан облысының әкімі Қ.Аксақаловтың өңірдегі әлеуметтік-экономикалық ахуалдың дамуы, индустриалық жобалардың іске асырылуы және Қазақстандықтардың әл-ауқатын өсіту: табыс пен тұрмыс сапасын арттыру» атты Жолдау аясындағы тапсырмалардың

орындалуы жөніндегі есебін тыңдады.

Нұрсұлтан Назарбаев облыс әкімінің баяндамасынан кейін Қазақстан Республикасы мен Ресей Федерациясының өңіраралық ынтымақтастық форумына әзірлік аясында аймақты дамыту бағдарламасының тиімді іске асырылып жатқанын атап өтті.

Сонымен қатар, Мемлекет басшысы облыстың аграрлық әлеуетіне тоқталып, бұл өңірде ауыл шаруашылығы саласын дамыту қажеттігін айтты.

Елбасы тұрғын үй және инфрақұрылым нысандарын салу, әлеуметтік бағдарламаларды іске асыру жұмыстарының нәтижелеріне де тоқталды.

Соңында Нұрсұлтан Назарбаев өңір жұртшылығымен

кездесті. Облыс тұрғындары әлеуметтік салаға қатысты бағдарламалар қабылдап, халыққа ұдайы қамқорлық көрсетіп келе жатқаны үшін Мемлекет басшына алғыс білдірді.

\*\*\*  
Петропавл қаласында Нұрсұлтан Назарбаев пен Владимир Путин «Қазақстан мен Ресейдің туризм саласын дамытудың жаңа тәсілдері мен үрдістері» атты көрмесін аралап көрді.

Қазақстан мен Ресей Президенттері екі мемлекеттің туризм саласын дамытудың жаңа жоспарлары мен перспективаларына арналған көрмеге барды.

Көрмеге қазақстандық және ресейлік компаниялардың екі ел тұрғындарына арналған

ауқымды туристік өнімдері қойылған.

\*\*\*  
Мемлекет басшысы Ресей Федерациясының Президенті Владимир Путинмен кездесті.

Кездесу барысында тараптар ынтымақтастықтың маңызды мәселелері мен туризм саласындағы қатынастардың одан әрі дамыту перспективаларын талқылады.

Қазақстан Президенті бүгінгі өңіраралық ынтымақтастық форумы тақырыбының өзектілігін атап өтіп, мәдени және экономикалық ықпалдастық аясында туризм саласындағы ынтымақтастықты өркендетудің маңыздылығына арнайы тоқталды.

В.Путин Қазақстанның са-

уда-экономика саласындағы негізгі серіктестердің бірі екенін атап өтіп, екі жақты қарым-қатынастардың жоғары даму қарқынына назар аударды.

Сонымен қатар, Ресей Федерациясының Президенті туризм саласындағы екі елдің ынтымақтастығын одан әрі нығайтудың әлеуеті зор екенін айтты.

Келіссөздер соңында мемлекеттер басшыларына «Байқоңыр» ғарыш кешенін дамытуға арналған жоба таныстырылды. Сонымен қатар, Президенттерге әлеуметтік нысандардың салыну барысы, инфрақұрылым желілерінің жөндеу нәтижелері және Байқоңыр қаласындағы тұрғын үй алаптарының газбен қамтамасыз етілуі жөнінде мәлімет берілді.

## TILSHI – ELDEN

# ІРГЕЛІ ІҢКӘРДАРИЯ

Кешегі дәуірдің елуінші-алпысыншы жылдары Қазақстанда мал шаруашылығын дамыту, оның ішінде қой санын 50 миллионға дейін жеткізу міндеті қойылған. Мал басын өсіріп, өнімін молайту үшін шалғайдағы шөлейт жерлерді, мал жайылымдарын игеру керек болды. Соған байланысты 1964 жылы «Шөл және шөлейт жерлерді игеру туралы» қаулымен Қызылорда облысында 6 шаруашылық – Жаңадария, Ақсыр, Қуандария, Жаңақала және Қазалы ауданындағы бұрынғы қой фермасы Қызылқұм совхоздары болып құрылды. Солардың бірі – Жаңадарияның оңтүстік жағында Қызылқұм етегіндегі «Мүлкәлән әулие» аталатын жерде Іңкәрдария совхозының алғашқы ұйымдастыру жұмыстары басталып кетті.

Ержан ҚОЖАСОВ

Мүлкәлән әулие дегеніміз кім? Тарихта Мүлкәлән – дін таратушы, емші кісі болған деседі. Халыққа қалтқысыз қызмет қылған соң оған үлкен мазар салынған. Бұл кісінің жеті жерде жайы барын жергілікті тұрғындар айтады. Осындай қасиетті жер-

де 1965 жылы қазығы қағылған ауылдың бүгінгі тәуелсіздік жылдарында да қаймағы бұзылмай, тіршілігінің мығым екеніне көз жеткізіп, көңілді бірлеп қайттық.

**БАСПАСӨЗ – 2019**

**ҚҰРМЕТТІ ОҚЫРМАН!**

**2019 жылдың бірінші жартыжылдығына "Сыр медиа" ЖШС-на қарасты газеттерге жазылу науқаны жүргізілуде.**

Облыстық "Сыр бойы" газетінің жазылу бағасы:

- жөкелер үшін: 6 айға – 3000 теңге, 12 айға – 6000 теңге.
- ЖАЗЫЛУ ИНДЕКСІ-65460.
- Мекемелер үшін: 6 айға – 4000 теңге, 12 айға – 8000 теңге.
- ЖАЗЫЛУ ИНДЕКСІ – 15460.

Ел және жаһан жаңалықтарын, жедел әрі нақты ақпаратты газет сайтынан да таба аласыз.

Баспасөзге жазылу бойынша 40-05-81 телефонына хабарласуға және ондағы мамандардың жазылу жүргізу қызметін үйден пайдалануға болады.





# ІРГЕЛІ ІҢКӘРДАРИЯ

Сонымен аудан орталығынан таң біліне Інкәрдариаға жолға шықтық. Аудан орталығы мен халықаралық «Батыс Еуропа-Батыс Қытай» автокөлік жолы арқылы тақтайдай тегіс жолмен қырық минутта жетіпті. 1965-1996 жылдары қарақол қойын өсіретін өзімен аттас кешардың орталығы болған ауыл тұрғындары нарықтың кезінде бақшалық пен қызылша өсіріп халқының қант-шайын айырумен де айналысты. Қазір Сырдың дара дақылы – күріш егуді де қолға алған. Ауылдың жарты ғасырдан астам тарихында өркендеуі бізге байқалады. Күн санап көркейіп келеді. Өнер елдің өркісі мәдениетін айтағандай соңғы жылдарда клуб үйі, емхана, әкімшілік ғимараты пайдалануға берілген. Ауылға барар жол айнадай тегіс. Ауыз судың өзі кейбір елді мекендегідей



40-қа жуық ұстаз дәріс беретін мектеп заманауи талапқа сай іші жаңа құрылғылармен жабдықталған. Жылы әрі кең сыныптарда бала мен мұғалімге бар жағдай жасалған десе болады. 200-ге жуық оқушыға арналған білім ордасының пәндік сыныптары барлық қажетті құралмен қамтылған. Атап айтқанда, лингафондық кабинет, интерактивті тақта және оқушыларды еңбекке баулитын арнайы кабинеттер де талапқа сай. Асхана мен акт залы, кітапхана бар. Өсіресе, спорттық зал мен балалар ойнайтын ашық алаң ерекше көз тартады. Бұл мектеп оқушыларының спорттың бірнеше түрімен шұғылдануларына да барлық жағдайлар жасалған деген сөз. Мектеп жанында «Еркетай» шағын орталығы бар. Онда 40 бала тәрбиеленуде.

### «Дипломмен — ауылға!» келгеніме мақтанамын

Ел баласын сеніп тапсыра, ертеңі күнге азамат етіп дайындау, ауылдың басты құнды ошағы №191 орта мектебінде болды. Наурызбекпен де осында таныстық. Газетіміздің тұрақты оқырманы екенін айтқан мұғалім жігіт бұл ауылға «Дипломмен — ауылға!» бағдарламасы бойынша Ақжармадан келіпті. Физикадан дәріс беретін Наурызбек бағдарламаның жастарға зор мүмкіндік екенін айта келе, өзінің тұрмыс жағдайын да бізге таңыстырды.

– 2015 жылдан бері осы ауылда еңбек етіп келемін. Елбасының жастарға деген үлкен көмегінің арқасында, жергілікті азаматтар бір



сағаттап, белгілі бір уақытпен беру деген атымен жоқ. 24 сағат бойы тоқтаусыз келіп тұр. Әрине, ауыл ажарын айшықтайтын нысандардың жанаруы елдің экономикалық та, әлеуметтік те дамығандығын көрсетеді. Сондықтан береке-бірлігі бекем ауыл тұрғындары да абыройлы еңбек етуде.

### Атакәсіпті ардақ тұтқандар

Түгін саны 180-ге жуық ауылда жеке мал ұстаушылар да, шаруа қожалықты тізгіндендер де көп. Оның ішінде мың жарымға жуық мүйізді ірі қара мен уақ мал, 700 жылқы мен 200 бас түйесі бар Інкәрдариа адамдары атакәсіпке алыған. Ауыл бизнесінің тізгінін ұстағандардың дені осы шаруашылықтың айналасында. Былтыр да, биыл да ауылдағы көптеген азамат кәсіпкерлік негізде оқуға ықылас танытып, өтініштері қабылданған. Санмен сөйлесек, Інкәрдариада тіркелген 70 кәсіпкер бар. Барлығы да өз кәсібін көкжиегін кеңейткендер. Мұнда да басым көпшілігі ірі қара өсіруді мықтап қолға алғанға ұқсайды. Сонымен бірге тігін цехы, монша, наубайхана, азық-түлікпен қамту сияқты бизнес нысандарын ашқандар да жеткілікті.



«Микробизнес-Қызылорда» бағдарламасы бойынша «Қызылорда өндірік инвестициялық орталығы» МҚУ ЖШС арқылы екі жоба жеңіске жетіп, А.Есдәулетов, Ж.Жаппасова сынды ауыл тұрғындары мал бауын бордақылау және көбейту сынды жұмыспен айналысып жатыр. Берекелі елде жыл басынан бері 20 жаңа жұмыс орны ашылған. Жыл аяғына дейін қосымша 6 жаңа жұмыс орны ашылатын болады.

Ауылда кәсіпкерлік тізгінін ұстаған жас аналар көп. Солардың бірі – Жаная Жаппасова мен Әлия Қыстаубаева. Кәсіпкер келіншектер түймен сиыр малын алып, өнімдерін аудан орталығына өткізуде. Өсіресе, түйе сүтіне сұраныс көп екенін айтқан Жаная кейде тапсырыстың көп болатынын айтып, жетіспеу жағы болып тұратынын да жасырмады. Біз айтып өткен «Нәтижелі жұмыспен қамту және кәсіпкерлікті дамытудың 2017-2021 жылдарға арналған бағдарламасы» аясында «Бизнес бастау» курсы бітіріп, жобасы жақсы бағаланған кәсіпкер аналар алдағы уақытта өз бизнесінің аясын кеңейтпек.

реттік ақшалай көмек те, тұрғын үймен де қамтамасыз етті. Інкәрдариа маған өте ыстық. Себебі, осында алғаш рет халыққа қызмет ету баспадағым басталды. Осы елде шаңырақ көтеріп, ұжыммен бірге шәкірттердің білім мен тәрбиесіне озық болуына жұмыс жасап жатырмыз, – дейді жас маман.

Сырдария ауданы.

### BRIFING

## ЕЛТАҢБАҒА ӨЗГЕРІСТЕР ЕНГІЗІЛДІ

Өңірлік коммуникациялар қызметінде облыстық ішкі саясат басқармасының басшысы Т.Маханов, техникалық реттеу және метрология комитетінің облыс бойынша департаментінің бас маманы Серік Қасымовтың қатысуымен брифинг өтті. Онда ҚР Президентінің «Қазақ тілі әлібиін кириллицадан латын графикасына көшіру туралы» Жарлығына сәйкес «Қазақстан Республикасының мемлекеттік рәміздері туралы» ҚР Конституциялық заңына өзгерістер енгізілгені мәлімдеді.

### Мейрамқұл ДАУЫЛБАЙҚЫЗЫ.

– Осыған байланысты Қазақстан Республикасының Мемлекеттік Елтаңбасы. Техникалық шарттар» ҚР СТ 989-2014 стандартына №1 өзгерістер енгізіліп, алдағы уақытта ұлттық стандарттың бүкіл мәнінде «Қазақстан» сөзін латын графикасымен «QAZAQSTAN» етіп өзгерту, ДЕ түстер диапазонын қолдану туралы шешім қабылданды. Енді еліміз Елтаңбасының жаратылған нұсқасында QAZAQSTAN сөзі қолданылатын болады. Сонымен қатар, «Библиография» тарауы Ж.Мәлібековтің «Қазақстан Республикасының мемлекеттік Елтаңбасы элементтерінің сипаты мен тарихы әдістемелік құралымен толықтырылды. №1 өзгерістерді қабылдау және қолданысқа енгізу туралы апарат <http://egfntd.kz> сайтында және стандарттардың кезекті ай сайынғы апаратық сілтемесінде орналастырылды. Елтаңбаны ауыстыру мерзімі шамамен 1,5-2 жылға дейін болуы мүмкін, – деді С.Қасымов.

Айта кету керек, елімізде өзгерістерді әзірлеу үшін арнайы жұмыс тобы құрылған. Оған Қазақстан Республикасының Мемлекеттік Елтаңбасының авторы Жанарбек Мәлібеков, сондай-ақ, дайындаушы компаниялардың өкілдері, «Мекен KZ» ЖШС, «Industrial Company Zoom» ЖШС, «Символика» ЖШС, «Алматыгорформление» ЖАҚ, «Ақ бастау KZ» ЖШС, ЖК «Ж.С. Тынымбаев», ЖК «Баубек» және мемлекеттік органдардың өкілдері қатысқан.



## «ПЕДАГОГ МӘРТЕБЕСІ»: ҰСЫНЫС ЖИНАУ БАСТАЛДЫ

Өңірлік коммуникациялар қызметінде облыстық білім саласындағы бақылау департаментінің басшысы Ерлан Қарабаев биылғы жылдың 10 айында атқарылған жұмыстар жайын баян етті.

### Гүлмира ДІЛДӘБЕКОВА.

Департамент 10 ай ішінде білім беру ұйымдарына 20 ішінара және 16 жасардан тыс тексеру жүргізіп, нәтижесінде 20 мекеменің білім саласындағы заң бұзушылықтары анықталған. Осы мерзім ішінде «Е-лицензиялау» бағдарламасы бойынша департаментке білім беру қызметімен айналысу үшін лицензияны және лицензияға қосымшаны алуға, қайта рәсімдеуге арналған 154 өтініш түскен. Сондай-ақ білім туралы құжаттарды апостильдеу мемлекеттік қызмет түрін алуға 141 өтініш тіркеліп, 138-і қанағаттандырылған.

Брифинг барысында департамент басшысы Елбасы Жолдауында білім саласына қатысты айтылған тапсыр-

маларды орындауда атқарылып жатқан жұмыстарға тоқталды. Жолдауда айтылған мектепке дейінгі білім беру мекемелеріндегі кадр жетіспеушілігі, мамандардың біліктілік талаптары, тәрбиелі жамақтың қайта қарау мәселесі бойынша жұмыс басталып кеткен.

– «Педагог мәртебесі» туралы заң қабылдау бойынша елімізде ұсыныстарды қабылдау жүргізілуде. Бір айта кетерлігі, енді қабылданатын заңға азаматтар өз ұсынысын білдіре алады. «Мұғалім мәртебесін көтеру үшін ұсыныс болса, Білім және ғылым министрлігінің электронды поштасына жолдауға болады. Заң жобасы [www.bilimdinews.kz](http://www.bilimdinews.kz) сайтында жарияланады, – деді департамент басшысы.

## ЖАЗАСЫН ӨТЕУШІЛЕР ЖҰМЫСПЕН ҚАМТЫЛУДА

Өңірлік коммуникациялар қызметінде облыс бойынша қылмыстық атқару жүйесі департаментінің басшысы Гүнибек Отарбаев БАҚ өкілдеріне брифинг беріп, Жолдау жүктеген міндеттер мен осы жылдың 10 айында атқарылған жұмысына тоқталды.

### Гүлмира ДІЛДӘБЕКОВА.

Облыс бойынша қылмыстық-атқару жүйесі департаментінің құрылымына 3К-169/5 аралас мекемесі, 3К-169/4 қауіпсіздігі барынша төмен мекемесі мен тергеу изоляторы және пробация қызметі қарады. Департамент жазасын өтеушілердің жағдайын әрдайым назарда ұстап, олардың арасында мода-спорттық іс-шаралар, психологиялық кеңестер мен басқосулар, мамандармен кездесулер өткізу тұрақты түрде ұйымдастырылып келеді. Сонымен қатар олардың кәсіппен айналысуына мүмкіндік жасалып, Кәсіпкерлер палатасымен меморандум жасаудың

нәтижесінде 3К-169/5 мекемесінде бүгінде 9 адам кәсіп ашып, жазасын өтеуші 120 адамды жұмыспен қамтыған. Алдағы уақытта тағы да екі кәсіп көзін ашу жоспарда бар. Айта кетелік, мұнда негізінен тігін цехы, газоблок, брусчатка, мүсін жасау, колөнер және донексерлеу цехтары жұмыс істейді.

Қылмыстық кодекске енгізілген өзгеріс бойынша жазасын өтеушілердің жазасын ізгілендіру биылғы жылдың шілдесінен басталып, бұл пробация түрде жазасын өтеушілерге ізгілендіру жасалмайды.

### BRIFING

# СЫР СПОРТЫНЫҢ ТАБЫСТЫ ЖЫЛЫ

Өңірлік коммуникациялар қызметінде өткен брифингте облыстық дене шынықтыру және спорт басқармасының басшысы Олжас Әкімов спорт саласының жетістіктері мен алдағы атқарылатын міндеттер жайында айтып берді. Оған грек-рим күресінен облыстың аға жаттықтырушысы Ермек Көкөтов, III Пара Азия ойындарының қола жүлдегерлері Эрик Қасқабаев, Шыңғыс Медеуов, Алмат Манабаев, шахматтан 3 дүркін Әлем чемпионы Әсел Серікбай және Будапешт қаласында күрес түрлерінен өткен Әлем чемпионатында қола жүлде еншілеген Айдос Сұлтанғали қатысты.

### Сара АДАЙБАЕВА.

Биыл Сыр спортшылары үшін табысты жыл болды. Жақында қазан айының 2-13 аралығында Индонезияның Джакарта қаласында өткен III

Пара Азия ойындарында спортшылар дзюдодан Азамат Тұрымбетов күміс жүлдені иеленсе, отырып Ойнау-лейболшы Эрик Қасқабаев, Шыңғыс

Медеуов, Алмат Манабаев Қазақстан құрама команда сапында өнер көрсетіп, қола жүлде алды. Сонымен қатар осы айда Грецияның Халкидики қаласында шахматтан өткен Әлем чемпионатында жерлесіміз Әсел Серікбай 3 дүркін Әлем чемпионы атанды. Әсел 16 жасқа дейінгі қыздар арасында блиц бойынша 9 турдан 7 ұпай жинаған. Халықаралық жарыста еліміздің спортшылары 1 алтын, 2 күміс, 2 қола медаль иеленді. Алтын медаль Әселдің еншісіне бұйырды. Шахматшы қыз бұған дейін 2011 жылы Польшада, 2017 жылы Румынияда өткен Әлем чемпионаттарында алтын алса, биылғы жылы 6 дүркін Азия чемпионы атанды.

Венгрияның Будапешт қаласында күрес түрлерінен Әлем чемпионаты өтті. Жарыста жерлесіміз Айдос Сұлтанғали грек-рим күресінен қола жүлдені жеңіп алды. Айдос боз кілемде үш кездесу өткізіп, қарсыластарын айқын басымдықпен ұтқан. Тек жартылай финалда ресейлік балуанға есе жіберген. Қола медаль үшін болған кездесуде Солтүстік Кореядан келген қарсыласын жеңді. Облыс тарихында 2005 жылы грек-рим күресінен ересектер арасында Ермек Көкөтов Әлем чемпионатында қола жүлде алған болатын. Ұстазының жетістігін шәкірті Айдос қайталады. Енді балуан келесі жылы Астана қаласында грек-рим күресінен өтетін Әлем чем-

пионатына дайындықты бастамақ. Ел намысын қорғап жүрген балуан бұған дейін жасөспірімдер, жастар арасында Азия чемпионы, өткен жылы жабық кешендегі Азия ойындарының және Әлем чемпионатының қола жүлдегері атанып үлгерген еді.

Брифингте басқарма басшысы жыл басынан бері облыс спортшылары республикалық және халықаралық жарыстарға қатысып, толағай жетістіктерге қол жеткізгенін айтты. Өткен жылдармен салыстырғанда көрсеткіш едәуір жоғарылаған. Нақты айтар болсақ, ҚР чемпионаттарында – 1178, Азия және Әлем чемпионаттарында 97 медальға қол жеткізген. Сондай-ақ, 4 спортшы –

«КР-ның халықаралық дәрежедегі спорт шебері», 40 спортшы – «КР-ның спорт шебері» және 832 спортшы – «Спорт шеберлігіне үміткер» нормативін орындаған. Облыс бойынша спорт түрлерінен 470 спортшы ҚР ұлттық құрама командасының сапында өнер көрсетеді.

Келер жылы да спорттық нысандар ауылдарда бой көтеріп, бұқаралық спортты дамыту ерекше қолға алынбақ.

Өз кезегінде сөз алған спортшылар жарыстан алған әсерлерімен бөлісіп, жеңістің оңайлықпен келмегенін алдағы уақытта бұдан да жоғары көрсеткішке қол жеткізетіндеріне сенім білдірді.

SUNBAT

# Ғалымжан Тоғызбаев: «МӘДЕНИЕТ – МЕДИЦИНАДА ДА БАСТЫ ҚҰНДЫЛЫҚ»

Қазақстан ревматологтар қауымдастығының төрағасы, медицина ғылымдарының докторы, профессор, ревматолог дәрігер Ғалымжан Тоғызбаевтың есімі жалпақ жұртқа жақсы таныс. Қатардағы дәрігерден бастап, бірқатар басшылық қызметтер атқарған ол, бүгінде жеке медициналық компанияның жетекшісі. Оңтүстік Корея елімен бірлескен жоба аясында биыл Алматы қаласында ашылған орталық қазақстандықтардың шетел асып, ем іздеп сабылмауына мүмкіндік береді. Жуырда белгілі дәрігермен тілдесудің сәті түскен еді.



өте ұқсас. Сонымен бірге адамдармен қарым-қатынасы да ерекше жылы. Кез келген емдеу орнына барсаңыз, адамдарға көңіл аударуы, жылышырай танытып, күтіп алып, шығарып салуы, жалпы ішкі мәдениеті өте жоғары. Жоғарыда айтқанымдай, осы нәрсе біздің медицинада жетіспейді. Соңғы кезде біздің халқымыз дертіне ем іздеп шет елдерге сабылуда. Мәселен, жылына Қазақстаннан 100 мыңнан астам адам Кореяға барып емделеді. Сондықтан сол елдің мамандарын осы жаққа тартуды ойладық. Сонымен бірге ішкі мәдениетті қалыптастыруға да ықпал етеді деген сенім бар. Осылардың бәрін ескере келе, осы елмен бірлесіп жұмыс жасауды ұйғардық.

– Қызмет бағасы қандай?  
– Қаншама отандастарымыз шетелдерге барып ем алып жатқанда олар ақшалары тасығандықтан бармайды. Амалдың жоғынан, соңғы тынына дейін салып шығады. Мәселен, Оңтүстік Кореяның өзінде дәрігерге бір рет қаралу біздегіден бірнеше есе қымбат. Оған жол шығынын, жатын орны мен тамағының бағасын қоссаңыз. Біздің қызметіміз, былайша айтқанда, қолжетімді. Мәселен, Оңтүстік Кореялық дәрігерлердің кенес беру ақысы 10 мың теңге тұрады. Жүрекке УДЗ жасау да осы бағада. Ортопед, лор, педиатрлардың алғашқы қарау бағасы 5 мың теңгеден басталады.

– Ғалымжан Асылбекұлы, тәуелсіздік алғалы бері реформаға жеті ұшырап келе жатқан саланың бірі – осы денсаулық сақтау саласы. Соңғы бір-екі жылдан бері міндетті әлеуметтік медициналық сақтандыру жүйесі енгізілуде. Шет елдерде бұл бұрыннан бар. Ал, біздегі жағдай туралы не айтасыз?

– Дұрыс айтасыз. Денсаулық сақтау саласы түрлі реформаларды бастан өткізіп келеді. Мұның барлығы саланы дамытуды көздейтіні белгілі. Ал енді медициналық сақтандыруға келсек, оны енгізген дұрыс. Мұны қолдауымыз керек. Дамыған елдердің барлығында сақтандыру жүйесі жақсы жолға қойылған. Негізі денсаулық тегін болмауы қажет, ол ақилы болуға тиіс. Өйткені, тегін нәрсенің қалірі болмайды. Сонымен бірге, бұл жүйе емдеу мекемелері арасындағы бәсекелестікті арттырады. Демек тұрғындар үшін де пайдалы болмақ. Қай клиниканың қызметі жақсы, сапалы, ыңғайлы науқас соған барады. Сол арқылы ол клиника ақша табады. Науқас бармаған ауруханаға ақша төленбейді. Яғни, бұл жүйе мемлекеттік және жекеменшік әріптестіктің артуына, жеке клиникалардың көбеюіне, олардың жұмысының жолға қойылуына мүмкіндік беріп отыр. Адамдар да өз денсаулығына жауапкершілікпен қарап бастайды. Сондықтан медициналық сақтандыру жүйесінің енгізілгені өте орынды.

– Рахмет!  
Өңгімелескен  
Айнұр БАТТАЛОВА,  
«Сыр бойы».

АРИПТЕС АЛЕМИ

Газеттің апталық жоспары бекітілісімен редакция секретариатында қарбалас жұмыс басталып кеп береді. Кезекті нөмердің макет нобайын сызу, көркемдік жағын ойластыру, бағасты – салмағы – мен пайым-пара-сытына қарай мақалаларды реттеп орналасыру мәселелері бір-бірімен жалғасып жатады. Оның үстіне, аймақта өтетін жиындар мен шараларға, семинар-кеңестерге газет тілшілерін жіберіп, дайындалған хабар-ошарларды басшылардың біріне үстінен оқытып алу секілді жауапкершілік жетіп артылады.

# СЕКРЕТАРИАТТЫҢ СЕРІКОВІ

ындап жатады. Кезекті газет нөмерінің соңғы нүктесін қойып, редактор бекіткенше кейде таң да атып та қалатын жағдайлар бар. Сонда ғана корректор мен кезекші редакторды үйіне аттандырып, газеттің жауапты хатшысы ығынған жүк түскендей «у!» деп демалды. Бұл да уақытша ғана жеңілдік, ертесіне әлгі әрекеттер қайта басын басталып, өмірі таусылып бітпейтіндей желісті жүріс жетектей жөнеледі. Бір ай, екі ай болса мейлі ғой, дөңгелеген дүниенің тегеріші осылай жыл он екі ай айналады да тұрады. Сол айналма алқаптың ортасынан біз үнемі журналист, облыстық «Сыр бойы» газетінің жауапты хатшысы Расул Серіков ағамызды көрер едік.



Бұл бекетте талай талантты журналист пен қаламгерлердің ат терлеткен көргенбіз, алайда дәл Рекеңдей ісіне бекем, жауапкершілігі мықты, барынша ұқыпты жауапты хатшыны байқай бермеспіз. Осы басылымның бірсыпыра уақыт руханиат бөлімінің тілшісі, кейіннен аймақтық тілшісі ретінде жинаған жаналығымыз бен дайындалған мақаламызды редакция секретариатына өткізе жүріп, оларымыздың бірде-біреуінің шашау шыққаны ойымызда жоқ. Бәрі де рет-ретімен ұнжарияның бетінен табылып жатар еді. Апталық жоспар бекітілді ме, іле-шала Рекең ар кабинеті аралап, журналистерге жауапкершілігіндегі материалдарды өз уақытында тапсыруды ескертіп жүргені. Қаламгерлерің де айтыла салысымен «лөппай» дей қоятын тілалғыштардың қатарынан емес, әрқайсысының өзіндік әлемі, өзіндік көзқарасы бар жандар. Сондықтан да олармен тіл табысудың жөнін білмесе, басығы да жеңіл тимейді. Әсіресе, Дүйсенбек Рекеңнің ұсынған сығылғы кетудің оқуын оқығандай.



– Қазақстанның журналистика факультетіне түскенше, ауыл кітапханасында 3 жылдай кітапханашы болып істедім. Әдеби кітаптар мен қоса деректі дүниелерді де қызға оқытандығым, журналист болуға деген құштарлығымды арттыра түскендігі анық. Өзімнің шектеулі серіктестігі барлық аудандардағы басылымдар мен облыстың аға газеттердің басын бір шаңырақ астына ұйыстырып, жақсы бағыт беріп келеді. Жас журналистердің күні кеше ғана Астанаға барып тәжірибе алмасқанын, Мәскеу асып, журналистиканың жаңа үрдістерін мәністегендігін естіп, сүйсініп қалдым. Бұл деген замана ағымын сезіну деген сөз, – дейді Рекең.

Көш-керуен алға қарай тынбастан жылжи береді. Кешегі жаналық, бүгінгі тарих болып хатталға бермек. Міне, осы жолда Майлытоғайдан шыққан тұңғыш журналист, әріптес ағамыздың өзіндік ізі жатыр.

Нұрмахан ЕЛТАЙ,  
Ақпарат саласының  
үздігі.

JOLDAŪ JŪGI

# ҚАЛДЫҚТЫ ҚАЙТА ӨНДЕУ ҚАЛАЙ ЖҮЗЕГЕ АСУДА?

Әлемдегі дамыған мемлекеттер тұрмыстық қалдықтарды қайта өңдеу арқылы миллиондап табыс табады. Мәліметтерге көз жүгіртсек, АҚШ қоқысты қайта өңдеу кәсібін XIX ғасырда жолға қойып, бюджетін дәл осы саламен көбейтіп отыр. Істің көзін білетін жапондар да қоқыстың 90 процентін кәдеге жаратады, Германия оны тиімді бизнес көзіне айналдырып үлгірген. Олар істен шыққан тауарды шетелден де қабылдайды, Қытай оперкәсібі қарапайым пластикалық қоқыс қалдығын дайындаған кәсіпкерлерді экспортқа шығарады. Ал елімізде бұл бағыттағы ілгерілеушілік енді ғана байқалып келеді.



Мәлімдер ҚАЛЫМБЕТ.

Облыс көлемінде де жыл сайын ресурстық әлеуетті одан әрі дамытып, тұрмыстық қалдықтарды заман талабына сай қайта өңдеу мақсатында қажетті шаралар қолға алынады. Бұл туралы өңірлік коммуникациялар қызметінде өткен интернет-конференцияда облыстық экология департаментінің басшысы Марат Құрманбаев пен облыстық табиғи ресурстар және табиғат пайдалануы реттеу басқармасы басшысының орынбасары Жұлдызай Айтжанова тарапынан айты.

– Мемлекет басшысы Жолдауда «Шағын және орта бизнес субъектілерін кеңінен тарта отырып, тұрмыстық қалдықтарды заман талабына сай утилизация-

лау және қайта өңдеу бойынша кешенді шаралар әзірлеуді» тапсырды. Қазіргі таңда тиісті жұмыс атқарылуда. 9 ай ішінде 120 мың тонна қалдық жиналып, оның 3040 тоннасы пайдаға жаратылды, – деді Марат Ердаулетұлы.

Оның айтуынша, өңірдегі қайта өңдеу саласында қызмет көрсететін кәсіпкерлер белсенді. «БЮБрайхан және К-ЛПД» компаниясы 2004 жылдан бері қалдықтарды айналыммен басқару ісімен айналысып келеді. Өзге кәсіпкерлер де тұрмыстық қалдықтардан шатыр жамылғысын және жаяу жүргіншілер жолына арналған төсеніштер жасап шығаруда. Мәселен, «Эко-Н Сервис», «ТемірЖас Групп» ЖШС істен шыққан, құрамында жарамсыз сынабы бар шамдарды залалсыздандыруды жүзеге асырып келеді. Қармақшы ауданындағы «СтройСервис» серіктестігі аудан тұрғындарынан және көрші аудандардан полиэтилен пакеттерді қабылдап, пластмасса труба шығаруды жоспарлап отыр. Қазалы ауданындағы полигонды сенімгерлік басқаруға алған «Қазалы Көркем-Сервис» ЖШС да 10 мыңға жуық макулатура қалдықтарын пресстеп, Шымкент қаласына жіберіп отыр.

Спикер тозған автокөлік дөңгелектерін қайта өңдеу арқылы резенке ұнтақтары мен жерасты суару түтіктерін шығару өндірісін жолға қойған «Smart Rubber» ЖШС жұмысына ерекше тоқталып өтті. Мұнда жарамсыз дөңгелек бірнеше сатылы өңдеуден өткеннен кейін ұнтаққа айналады. Оған полиэтилен ұнтағы қосылғын, екі қоспадан дайын өнім – жерасты суару түтігі шығарылады. Жасыл экономикаға қошу жөніндегі тұжырымдамаға

сәйкес, 2030 жылға қарай егіс алқаптарының 15 проценті суды үнемдеу технологиясына көшірілімек. Осыған байланысты алдағы уақытта жерасты түтігіне деген сұраныс арттарына сенім мол. Оның үстіне қазір резенке ұнтақты алушылар жиі кездеседі. Ол футбол алаңына төселеді, сондай-ақ битуммен араласса, асфальт сапасын жақсартуға септеседі екен.

Жұлдызай Айтжанова облыс тұрғындарының 60 проценті тұрмыстық қалдықтарды тасымалдау қызметімен толық қамтылғанын атап өтіп, қалдықтарды көмуге қатысты енгізілген өзгерістермен таныстырды.

– Кеңер жылдан бастап ҚР экологиялық кодексінің 301-бабына сәйкес, полигондарда пластмасса, пластик, полиэтилен қалдықтары және полиэтиленерфталат орамасы, макулатура, картон және қағаз қалдықтары, құрамында сынап бар лампалар мен аспаптар, шыны сынықтары, түсті және кара металдар сынығы, литий, корғасын-қышқыл батареялары, электрондық және электр жабдықтары қалдықтарын көмуге тыйым салынады деп жоспарлануда. Ал 2020 жылдың 1 қантарынан бастап тамақ қалдықтарын және құрылыс материалдарының қалдықтарын полигондарда көмуге шектеу қойылады, – деді Ж.Айтжанова.

Жалпы тақырып турасында айтылған дүние көп. Өткен жылы Елордада ұйымдастырылған «ЭКС-ПО» халықаралық көрмесінде де тұрмыстық қалдықтарды қайта өңдеу жайы кеңінен насихатталған болатын. Расында, елімізде қалдықтарды жаратудан бөлек, аталған өндіріс түрін жандандыру жүйелі түрде қолға алынса, жаңа жұмыс орындары ашылып, қазынаға табыс түсер еді.







